



Broj:UP-I-13-15.04-5/16

Datum: 18.05.2016. godine

Komisija za papire od vrijednosti Brčko distrikta BiH, rješavajući po zahtjevu "Seed Oil Holding" GmbH, Wien, Wilhelminenstraße 91/19/2, Austrija podnesenom putem punomoćnika Adija Ibrahimovića, advokata iz Brčkog, ulica Bijeljinska broj 9, kao ponudioca, za odobrenje objavljivanja ponude za preuzimanje dionica emitenta „Bimal“ d.d. Brčko, Bijeljinska broj 9, a na osnovu člana 65. Zakona o papirima od vrijednosti ("Službeni glasnik Brčko distrikta BiH", broj: 15/03, 27/04, 42/04, 28/07 i 14/12), člana 13. stav (2) i člana 30. i 31. Zakona o preuzimanju dioničarskih društava ("Službeni glasnik Brčko distrikta BiH" broj: 31/05, 33/12 i 34/12) na svojoj 124. sjednici održanoj dana 18.05.2016 godine, d o n i j e l a j e

RJEŠENJE

1. Odobrava se "Seed Oil Holding" GmbH, Wien, Wilhelminenstraße 91/19/2, Austrija, zastupan po punomoćniku Adiju Ibrahimoviću, advokatu iz Brčkog, ulica Bijeljinska broj 9, kao ponudiocu, objavljivanje ponude za preuzimanje dioničkog društva „Bimal“ d.d. Brčko, Bijeljinska broj 9.
2. Utvrđuje se da ponuda za preuzimanje iz predhodne tačke sadrži sve podatke propisane članom 12. Zakona o preuzimanju dioničarskih društava.
3. Za "Seed Oil Holding" GmbH, Wien, Wilhelminenstraße 91/19/2, Austrija i lice s kojim zajednički djeluje „Studen&Co Holding GmbH“, Wien, Wilhelminenstraße 91/19/2, Austrija, nastupila je zabrana vršenja prava glasa na skupštini dioničara kod emitenta „Bimal“ d.d. Brčko, Bijeljinska broj 9 od objavljivanja ponude do isteka roka važenja ponude za preuzimanje, koju je dužan objaviti na način i pod uslovima propisanim odredbama Zakona o preuzimanju dioničarskih društava.
4. Nalaže se Centralnom registru papira od vrijednosti da na računu imenovanog vlasnika upiše zabranu vršenja prava glasa.
5. Protiv ovog rješenja nije dozvoljena žalba ali se može podnijeti tužba Osnovnom sudu Brčko distrikta BiH za pokretanje upravnog spora u roku od 30 dana od dana dostavljanja rješenja.

Obrazloženje

Rješavajući po zahtjevu podnesenom od strane "Seed Oil Holding" GmbH, Wien, Wilhelminenstraße 91/19/2, Austrija putem punomoćnika Adija Ibrahimovića, advokata iz Brčkog, ulica Bijeljinska broj 9, kao ponudiocu u predmetu pribavljanja odobrenja za objavljivanje ponude za preuzimanje dionica emitenta „Bimal“ d.d. Brčko, Bijeljinska broj 9, Komisija za papire od vrijednosti Brčko distrikta BiH, utvrdila je da "Seed Oil Holding" GmbH, Wien, Wilhelminenstraße 91/19/2, Austrija ima namjeru za preuzimanje dionica emitenta „Bimal“ d.d. Brčko, Bijeljinska broj 9, a koju je objavio putem službenih glasila i dnevnih novina, te da posjeduje 1.881.443 dionica emitenta „Bimal“ d.d. Brčko, Bijeljinska broj 9, što predstavlja 90,8027% od ukupnog broja svih glasova emitenta, a lice s kojim zajednički djeluje „Studen&Co Holding GmbH“, Wien, Wilhelminenstraße 91/19/2, Austrija posjeduje 124.337 dionica emitenta, što predstavlja 6,0008% od ukupnog broja svih glasova

emitenta, te da će objaviti ponudu za preuzimanje i da će shodno članu 15a Zakona o preuzimanju dioničarskih društava, izvršiti sticanje svih dionica sa klauzulom obaveznog otkupa. Obavještenje su dostavili emitentu, Komisiji i javnosti, te ponudu za preuzimanje objavljuju pod uslovima i na način propisan navedenim Zakonom.

Shodno odredbama Zakona o preuzimanju dioničarskih društava dana 20.04.2016. godine "Seed Oil Holding" GmbH, Wien, Wilhelminenstraße 91/19/2, Austrija podnio je Komisiji za papire od vrijednosti Brčko distrikta BiH putem punomoćnika Adija Ibrahimovića, advokata iz Brčkog, ulica Bijeljinska broj 9 zahtjev za odobrenje objavljivanja ponude za preuzimanje dionica emitenta „Bimal“ d.d. Brčko, Bijeljinska broj 9.

Ponudilac je uz zahtjev priložio tekst ponude za preuzimanje i isprave propisane članom 12. Zakona o preuzimanju dioničarskih društava.

Uvidom u dostavljenu dokumentaciju utvrđeno je da:

- ponuda za preuzimanje emitenta sadrži sve podatke propisane članom 12. stav (1) Zakona o preuzimanju dioničarskih društava;
- ponudilac i lice s kojim zajednički djeluje na dan podnošenja zahtjeva imaju 2.072.013 dionica emitenta „Bimal“ d.d. Brčko, Bijeljinska broj 9 ili 96,8035% od ukupnog broja svih glasova u Skupštini emitenta;
- cijena dionice koju je ponudilac obavezan platiti iznosi 8,35 KM, a utvrđena je na osnovu potvrde Sarajevske berze o prosječnoj cijeni dionica na berzi ili drugom uređenom tržištu papira od vrijednosti u posljednja tri mjeseca prije nastanka obaveze za objavljivanje ponude za preuzimanje;
- rok plaćanja deponovanih dionica iznosi 7 (sedam) dana od dana isteka roka važenja ponude za preuzimanje;
- na posebnom računu ponudilac ima obezbjeđena sredstva u iznosu od 553.045,55 KM za kupovinu preostalih 66.233 dionice;
- ponudilac ima s Registrom vrijednosnih papira u Federaciji BiH zaključen ugovor o obavljanju poslova u vezi s preuzimanjem dioničkog društva broj 02-UP-09-4033/16 od 20.04.2016. godine, kojim su precizirana međusobna prava i obaveze ugovornih strana u vezi sa obavljanjem poslova deponovanja dionica radi prihvatanja ponude za preuzimanje emitenta i da je na taj način ispunio obaveze propisane članom 10. Zakona o preuzimanju dioničarskih društava;
- je priložio izjavu ponudioca u obavještenju o namjeri preuzimanja da će objaviti ponudu za preuzimanje s klauzulom prinudne prodaje;
- ponudilac ima urednu registraciju u nadležnom sudskom registru, prevedenu i ovjerenju od ovlaštenog sudskog tumača;
- ugovor o načinu raspodjele deponovanih dionica u postupku preuzimanja emitenta „Bimala“ d.d. Brčko, na ponudioca i lice koje s njim zajednički djeluje od 28.04.2016. godine.

Članom 15. stav (7) Zakona o preuzimanju dioničarskih društava propisano je da se ponuđena cijena dionica iz ponude za preuzimanje izračunava kao ponderisana aritmetička sredina zaključenih cijena u zadnja tri mjeseca prije nastanka obaveze objavljivanja ponude za preuzimanje. S tim u vezi, utvrđeno je od strane Sarajevske berze da je ponudilac u ponudi za preuzimanje obavezan platiti cijenu utvrđenu na navedeni način u iznosu od 8,35 KM. Ponudilac je odredio rok plaćanja deponovanih dionica u skladu s članom 15. stav (8) Zakona. Pored naprijed navedenog, Komisija je utvrdila da su svi ostali elementi ponude za preuzimanje utvrđeni shodno odredbama Zakona o preuzimanju dioničarskih društava obuhvaćeni, pa je na osnovu člana 13. stav (2) Zakona o preuzimanju dioničarskih društava odlučila kao u tački 1. i 2. dispozitiva rješenja.

Kako od objavljivanja ponude do isteka roka važenja ponude za preuzimanje nastaju pravne posljedice za ponudioca i lice koje s njim zajednički djeluje u vidu prestanka prava glasa na skupštini dioničara po osnovu njegovih dionica shodno članu 6. stav (3) Zakona o preuzimanju dioničarskih društava, koja traje sve do isteka roka važenja ponude, valjalo je odlučiti kao u tački 3. dispozitiva rješenja.

Tačka 4. dispozitiva rješenja se temelji na odredbi člana 7. Zakona o papirima od vrijednosti, prema kome se ograničenje prava iz papira od vrijednosti upisuje u Centralni registar.

Tačka 5. dispozitiva rješenja zasniva se na članu 60. Zakona o papirima od vrijednosti i članu 31. stav (2) Zakona o preuzimanju dioničarskih društava, po kome su upravni akti Komisije konačni.

Pravni lijek

Protiv ovog rješenja nije dozvoljena žalba ali se može podnijeti tužba Osnovnom sudu Brčko distrikta BiH za pokretanje upravnog spora u roku od 30 dana od dana dostavljanja rješenja.

Predsjednik

Mirsad Bešliagić, MA

Dostavljeno:

- Ponudiocu " Seed Oil Holding" GmbH, Wien,
Wilhelminenstraße 91/19/2, Austrija putem punomoćnika
Adija Ibrahimovića, advokata iz Brčkog, ulica Bijeljinska broj 9
- „Studen&Co Holding GmbH,Wien, Wilhelminenstraße 91/19/2, Austrija
- Emitentu „Bimal“ d.d. Brčko, Bijeljinska broj 9
- Registru vrijednosnih papira Federacije BiH,
- Sarajevska berza vrijednosnih papira,
- Evidenciji,
- Arhivi